

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus

KONTROL MOZIOA

EH Bildu udal taldeko zinegotzi Zigor Etxeburua Urbizuk, Udaltzaren Organo Araudiko 98. artikulua oinarri hartuta, mozio hau aurkezten du Udaltzaran azter dadin. Mozioa, 2022ko irailaren 19an, Garapen eta Lurralde Planifikazioko Batzordean aztertutako interpelazioaren ondorioa da.

JUSTIFIKAZIOA

lazko maiatzetik, Renfek Pasaia eta Buenavista arteko eremuan egiten ditu trenak artatzeko eta mantentzeko lanak. Lan horiek gaueko eta goizaldeko orduetan egiten ditu, astegunetan zein asteburuetan, zarata handiak eraginda, loa eten eta atsedena kaltetzeraino bizilagunei. Bizilagunek, zaratak eteteko eskatzeko, Adif eta Renfe erakundeetara jo zuten arren, egoera ez da aldatu; are, okertu egin da. Donostiako Udalarari ere eskatu diote zaraten ordenantzak agintzen duena betearaz dezala.

EH Bilduk mozio arrunt bat aurkeztu zuen apirilean eskatzeko Renfe Operadora erakundeari, batetik, betetzeko Donostiako Udaleko zaraten ordenantzak ordutegiei eta zaraten gehieneko emisioei buruz ezarrita duena; bestetik, ezartzeko neurri zuzentzaileen bat gutxitzeko tren horien artatze eta mantentze lana auzotarrengan izaten ari den eragin kaltegarria, Buenavista parean egitea beharrezkoa izango den aldian; eta azkenik, emateko Buenavista auzo elkarteko bizilagunei gaiaren inguruan gertatu diren gorabeheriei eta hartuko dituen erabakiei buruzko azalpenak.

Ekainean, EH Bilduk interpelatu egin zuen alkatea bizilagunek jakinarazi zigutelako egoera ez zela aldatu, are, okertu egin zela, eta asteleheneetik igandera bitarte, goizaldeko 05:10etik 07:10era aritzen zirela artapen lanetan, zarata handiak eraginda. Alkatearen partez erantzun zuen zinegotziak, ordea, gutxietsi egin zuen auzotarren kexua.

Bizilagunek, etsita, azaldu digute, uda berdinean pasatu dutela, Renfek eragindako zaratek ez dutela etenik izan, eta oraindik ere goizeko 03:45ean hasten direla eta 08:00ak arte irauten dutela. Esaterako, Udalinfon jarritako salaketan ikus daitekeenez, abuztuaren 30ean, 23:00ak aldera, Renfeko langile batzuk belarra makinekin moztzen aritu zirela, eta bizilagunek etxeetatik garrasika jardun behar izan zutelako makinak gelditzeko eskatzen; Ertzaintza ere agertu omen zen bizilagunen batek deituta. Gaia batzordera eraman genuen, baina Udal Gobernuak ez zuen hitzez erantzun, idatziz baizik, gure taldeari erreplikarako aukera oztopatuta.

Bistakoa da Renfe osasuna kaltetzen ari zaiela auzotarrei; zaratek eta bibrazioek eragindako egoerak luzeegi iraun du, baina ez du berehala amaitzeko itxurarik, ez baitakigu zenbat iraungo duen artatze eta mantentze lanak Buenavista parean egitea beharrezkoa izango den aldiak. Egoera horretan, auzotarrak babesgabe daude arazoa eragiten duen erakunde publikoaren aurrean. Horregatik, EH

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus

Bilduk uste du Donostiako Udalak irmo babestu behar dituela egoera bidegabe hori pairatzen ari diren Buenavistako bizilagunak.

Horiek horrela, honako hau da behean sinatzen duen zinegotziak aurkeztutako KONTROL MOZIOA:

KONTROL MOZIOA

1. Donostiako Udalbatzak hertsatuki eskatzen dio Udal Gobernuari lehenbailehen neurtu ditzala, Buenavistako bizilagunek aipatutako ordu tarte horietan, Renfek eragiten dituen zaratak, eta aldera ditzala Donostiako Udaleko zaraten ordenantzak ordutegiei eta zaraten gehienezko emisioei dagokienez ezarrita duenarekin.
2. Donostiako Udalbatzak hertsatuki eskatzen dio Udal Gobernuari datozen asteetan antola dezala bilera bat auzotarrekin, aipatu neurketen ondorioak aurkezteko, eta adosteko nola lagunduko dien Udalak bizilagunei Renfe Operadoraren aurrean.

Donostia, 2022ko urriaren 20an.

Zigor Etxeburua Urbizu
EH BILDU udal taldeko zinegotzia